

燼猶未平殄三年之間請鎮兵九百九十六人且鎮要害且遷國府勅差相模武藏上野下野四國兵士發遣十一月乙巳遣使於陸奧國宣詔夷俘等忽發逆心侵桃生城鎮守將軍大伴宿禰駿河麻呂等奉承朝委不顧身命討治叛賊懷柔歸服勤勞之重實合嘉尚駿河麻呂已下一千七百九十餘人從其功勳加賜位階授正四位下大伴宿禰駿河麻呂正四位上勳三等從五位上紀朝臣廣純正五位下勳五等從六位上百濟王俊哲勳六等餘各有差其功卑不及叙勳者賜物有差

〔續日本紀光仁三十四〕寶龜七年二月甲子陸奧國言取來四月上旬發軍士二萬人當伐山海二道賊於是勅出羽國發軍士四千人道自雄勝而伐其西邊五月戊子出羽國志波村賊叛逆與國相戰官軍不利發上總下野常陸等國騎兵伐之戊戌以近江介從五位上佐伯宿禰久良麻呂為兼陸奧鎮守權副將軍七月己亥令造安房上總下總常陸四國船五十隻置陸奧國以備不虞十一月庚辰發陸奧軍三千人伐膽澤賊八年三月是月陸奧夷俘來降者相望於道九月癸亥陸奧國言今年四月舉國發軍以討山海兩賊國中忿劇百姓艱辛望請復當年調庸并田租以息百姓許之十二月癸卯出羽國蝦賊叛逆官軍不利損失器仗

〔續日本紀光仁三十六〕寶龜十一年二月丁酉陸奧國言欲取船路伐撥遣賊比年甚寒其河已凍不得通船

今據一本改賊來犯不已○不巳二字原故可塞其寇道仍須差發軍士三千人取三四月雪消雨水

汎濫之時直進賊地因據一本改造覺鰲城於是下勅曰海道漸遠來犯無便山賊居近伺隙來犯遂

不伐撥其勢更強宜造覺鰲城○據一本改膽澤之地兩國之恩無大於斯丙午陸奧國言去正月

廿六日賊入長岡燒百姓家官軍追討彼此相殺若今不早攻伐恐來犯不止請三月中旬發兵討賊并

造覺鰲城置兵鎮戍據一本改勅曰夫狼子野心不顧恩義敢恃險阻屢犯邊境兵雖凶器事不獲止

宜○宜原作已發三千兵以刈遺孽以滅餘燼凡軍機動靜以便宜隨事三月甲午以從五位下大伴

宿禰真綱為陸奧鎮守副將軍從五位上安倍朝臣家麻呂為出羽鎮狄將軍軍監軍曹各二人以征東